



UNIVERSITÄTS-
BIBLIOTHEK
PADERBORN

Semita Perfectionis Purgativa, Illuminativa, Et Unitiva

Dirckinck, Johann

Coloniae Agrippinae, 1705

VD18 15298639

7. Cognitio & amor omnipotentiæ.

Nutzungsbedingungen

urn:nbn:de:hbz:466:1-55242

est in cœlo, & à Te quid volui super terram?
Psal. 72. 24.

II. Amo Te; Magnus enim es Tu, Domine Deus meus, & immensus, nec est finis magnitudinis tuae. S. Aug. soliloq. c. 21.

III. Nil magnum, nil altum, nil gratum vel acceptum sū tibi, nisi purè Deus, aut de Deo sit. Thom. Kemp. L. 2. c. 5.

PASSUS VII.

Cognitio & Dilectio omnipotentiæ Dei.

TEXTUS.

*Terribilis Dominus, & magnus
vehementer, & mirabilis po-
tentia ejus.* Eccli. 43. 31.

Cognitio.

I. **T**U mi Deus potentiae es infinitæ, quā potes omnia, quæ mens creata potest concipere, infinitos cœlos, mundos, angelos, populos, aurum, argentum & lapides pretiosos, his similes aut dissimiles. Omnipotens manus tua semper una & eadem creavit in cœlo Angelos, & in terra vermiculos;

culos ; non superior in illis , non inferior in istis : sicut enim nulla alia manus Angelum, ita nulla posset creare vermiculum : sicut nulla calum , ita nulla posset creare minimum arboris folium : sicut nulla corpus , ita nulla ullum capillum album posset facere aut nigrum ; sed omnipotens manus tua , cui cuncta pari modo sunt possibilia . S. Aug. soliloq. c. 9. O mirabilis potentia !

II. Tu es omnipotens , quia omnis vis & energia operandi à Te est , omnis vigor & vivacitas , quæ est in terra , mari , astris , lapidibus , herbis , animalibus , hominibus & Angelis , à Te est : nihilque est nisi tenuis omnipotentiae tuæ participatio .

III. Tu es omnipotens , quia potes omnia producere ex nihilo , absque materia præcedente , & omnia rursus annihilare , transmutare , confundere , sine alterius ope , sine labore , molestia , & temporis mora , solo verbo , nutu , voluntate , idque facilius , quam nos vel verbum profetamus . Nec tibi facilius aut possibilius est creare vermiculum , quam Angelum ; nec impossibilius extenderem calum , quam folium ; nec levius formare capillum , quam corpus ; nec difficilius fundare terram super aquam , quam aquam super terram , sed omnia , quæ omnipotentia tua voluit , fecit , sicut voluit , in cœlo & in terra , in mari , & in omnibus abyssis . S. Aug. l. c.

Di-

Dilectio.

Attonitus hæreo ac stupeo, Deus meus, cùm omnipotentiam tuam considero, cui non est impossibile omne verbum. O si liceret mihi in potentias tuas ingredi, ut ibidem stupens & elinguis meipsum deperderem! Silentium meum, Domine, loquatur tibi, animique mei attoniti admiratio Te laudet, & deinceps omnino confidat tam incredibili potestati. Concede mihi cor, quod intimè gaudeat de tam potenti dominio tuo. Da linguam, quæ dignè laudet operum & beneficiorum tuorum magnitudinem; Téque dignissimum esse profiteatur, cui in omnibus, quæ revelas, credatur. Largire mihi finum, in quem omnes miserias meas, quibus tu mederi potes, si vis, effundam. Ostende in me potentiam tuam, & dic, fiat lux: & fieri in anima mea lux, quâ cognoscam Te, & illustratus toto corde Te diligam.

Aspirationes.

I. Enarrate mirabilia ejus: quia non est aliud Deus omnipotens, prater eum. Tob. 13. 4.

II. Omnipotens manus tua, Domine, omnia fecit in celo & in terra. S. Aug. solil. c. 9. Domine Domine noster, quâm admirabile est domini nrum in universa terra. Psal. 8. 1.

III. Domine Deus omnipotens , si vū,
potes me mundare: si vis, potes me illumi-
nare , & amore succendere , ut diligam Te
toto corde !

P A S S U S VIII.

Cognitio & Dilectio Sapien-
tiæ DEI.

T E X T U S .

*Sapientiam Dei , præcedentem
omnia, quis investigabit? Ra-
dix sapientiæ , cui revelata
est ? Et astutias ejus , quis
cognovit? Eccli. c. 1. 6.*

Cognitio.

I. **T**U Domine, lumine infinitæ sapientiæ
tuæ, clarissimè cognoscis & compre-
hendis omnia. 1. Essentiam tuam infinitam.
2. Personas divinas, earumque processiones.
3. Omnia attributa tua & perfectiones.
4. Omnia alia possibilia. 5. Omnia præ-
sentia, præterita & futura. 6. Omnia sub
quavis conditione eventura. Anque hæc
omnia